

# Bana ba Mme Mamokwena

## Dipotso tsa pele ho pale:

1. O bona eng setshwantshong?
2. Metswalle ya hao ke bo mang?
3. O bapala le bashemane feela kapa banana feela?



Ena ke phaposi ya Mme Mamokwena.  
Ke titjhere ya sehlopha sa bobedi.  
Ke titjhere e ratang bana ba sekolo.



Ho etsahalang  
setshwantshong  
se?



Mme Mamokwena o shebelletse bana ba bapalang. A mamela seo ba buang ka sona ha a feta. A utlwa se mo makatsang.



Ngwanana  
o bonahala  
a ikutlwa  
jwang?

Bashemane ba babedi ba tebela  
ngwanana. Ba re bona ha ba bapale le  
banana. Seo sa makatsa Mme  
Mamokwena.



Ngwanana o  
kentse eng  
tsebeng? E  
sebedisetswa  
eng?

Yaba o ya ho bona. O bitseditse ngwanana  
ka thoko. A thoba pelo ya hae hore a se  
kwate.



Ha a qeta a bitisa bashanyana bao. A ba botsa hore phoso e kae. Ba qamaka feela ba sa buwe.



Mme Mamokwena a ba kgalema. O itse ba se ke ba kgesa banana. Bane ba swabetse seo ba se entseng.



Letsatsi le latelang a ruta bana ka ditokelo.  
O tla a tshwere buka ya melao. Ke  
molaotheo wa Afrika Borwa.